

「传世文选」

古

女

词类纂

(三)

谭国清◎主编

延续中华文明千古名篇

西北出版社

【传世文选】

古

女

词类纂

(三)

谭国清◎主编



延续中华文明千古名篇

西苑出版社

图书在版编目(CIP)数据

传世文选:古文辞类纂/谭国清主编. —北京:西苑出版社, 2011. 4

ISBN 978-7-80108-707-2

I. 传… II. 谭… III. 文学—作品综合类—中国 IV. I211

中国版本图书馆 CIP 数据核字(2002)第 103327 号

古文辞类纂(三)

编 著 谭国清

出 版 人 杨宪金

出版发行 **西苑出版社**

通讯地址 北京市海淀区阜石路 15 号 邮政编码:100143

电 话:010-88624971 传 真:010-88637120

网 址 www.xycbs.com E-mail: xycbs8@126.com

印 刷 北京昌平新兴胶印厂

经 销 全国新华书店

开 本 850mm×1168mm 1/32

印 数 1—3000 册

字 数 460 千

印 张 40.5

版 次 2011 年 4 月第 3 版

印 次 2011 年 4 月第 1 次印刷

书 号 ISBN 978-7-80108-707-2

定 价 268.00 元(全九册)

(凡西苑版图书如有缺漏页、残破等质量问题,本社邮购部负责调换)

版权所有 翻印必究



目 录

古文辞类纂十四(续)

GU WEN CI LEI ZUAN

奏议类上编四(续)	(1)
赵翁孙上屯田奏一	(1)
赵翁孙上屯田奏二	(2)
赵翁孙上屯田奏三	(3)
萧长倩驳入粟赎罪议	(5)
贾君房罢珠崖对	(6)

古文辞类纂十五

奏议类上编五	(9)
刘子政条灾异封事	(9)
刘子政论甘延寿等疏	(14)
刘子政论起昌陵疏	(15)
刘子政极谏外家封事	(19)
刘子政复上星孛等奏	(21)



古文辞类纂

匡稚圭上政治得失疏·····	(23)
匡稚圭论治性正家疏·····	(25)
匡稚圭戒妃匹劝经学疏·····	(27)
侯应罢边备议·····	(29)
谷子云讼陈汤疏·····	(30)
耿育讼甘陈疏·····	(31)
贾让治河奏·····	(33)
扬子云谏不受单于朝书·····	(36)
刘子骏王舜毁庙议·····	(38)
诸葛孔明出师表·····	(41)

古文辞类纂十六

奏议类上编六·····	(43)
韩退之论佛骨表·····	(43)
韩退之禘祫议·····	(45)
韩退之复仇状·····	(47)
韩退之潮州刺史谢上表·····	(49)
柳子厚驳复仇议·····	(51)

古文辞类纂十七

奏议类上编七·····	(54)
欧阳永叔论台谏官言事未蒙听允书·····	(54)
曾子固移沧州过阙上殿疏·····	(57)



古文辞类纂十八

奏议类上编八·····	(63)
苏子瞻上皇帝书·····	(63)

古文辞类纂十九

奏议类上编九·····	(80)
苏子瞻代张方平谏用兵书·····	(80)
苏子瞻徐州上皇帝书·····	(85)
苏子瞻圜丘合祭六议礼子·····	(90)

古文辞类纂二十

奏议类上编十·····	(98)
王介甫上仁宗皇帝言事书·····	(98)
王介甫本朝百年无事札子·····	(117)
王介甫进戒疏·····	(120)

古文辞类纂二十一

奏议类下编一·····	(122)
董仲舒贤良策对一·····	(122)
董仲舒贤良策对二·····	(128)
董仲舒贤良策对三·····	(132)



赵翁孙上屯田奏一

臣闻兵者，所以明德除害也。故举得于外，则福生于内，不可不慎。臣所将吏士马牛食，月用粮谷十九万九千六百三十斛，盐千六百九十三斛，茭稿二十五万二百八十六石，难久不解，徭役不息，又恐他夷卒有不虞之变。相因并起，为明主忧，诚非素定庙胜之册。且羌虏易以计破，难用兵碎也，故臣愚按以为击之不便。

计度临羌，东至浩亶，羌虏故田及公田，民所未垦，可二千顷以上，其间邮亭多坏取者。臣前部士人山伐村木，大小六万余枚，皆在水次；愿罢骑兵，留弛型应募，及淮阳汝南步兵，与吏士私从者，合凡万二百八十一人；用谷月二万七千三百六十三斛，盐三百八斛，分屯要害处，冰解漕下；缮乡亭，浚沟渠。治隍陝以西道桥七十所，令可至鲜水左右，田事出，赋人二十亩；至四月草生，发郡骑，及属国胡骑伉健各千，倅马什二，就草，为田者巡兵，以充入金城郡，益积蓄，省大费；今大司农所转谷至者，足支万人一岁食。谨上田处及器用簿，唯陛下裁



赵翁孙上屯田奏二

臣闻帝王之兵，以全取胜，是以贵谋而贱战。战而百胜，非善之善者也，故先为不可胜，以待敌之可胜。蛮夷习俗，虽殊于礼义之国，然其欲避害就利，爱亲戚，畏死亡，一也。今虏亡其美地荐草，愁于寄托远遁，骨肉离心，人有叛志；而明主班师罢兵，万人留田。顺天时，因地利，以待可胜之虏，虽未即伏辜，兵决可期月而望；羌虏瓦解，前后降者万七百余，乃受言去者凡七十辈。此坐支解羌虏之具也。

臣谨条不出兵留田便宜十二事。步兵九校，吏士万人，留屯以为武备，因田致谷，威德并行，一也，又因排折羌虏，令不得归肥饶之地，贫破其众，以成羌虏相叛之渐，二也。居民得并田作，不失农业，三也。军马一月之食，度支田士一岁，罢骑兵以省大费，四也。至春省甲士卒，循河湟，漕谷至临羌，以示羌虏，扬威武，传世折冲之具，五也。以闲暇时，下所伐材，缮治邮亭，充人金城，六也。兵出，乘危徼幸，不出，令反叛之虏，窜于风寒之地，离霜露疾疫瘡堕之患，坐得必胜之道，七也。亡经阻远追死伤之害，八也。内不损威武之重，外不令虏得乘间之势，九也。



又亡惊动河南大开小开，使生它变之忧，十也。治隍狭中道桥，令可至鲜水，以制西域，伸威千里，从枕席上过师，十一也。大费既省，徭役豫息，以戒不虞，十二也。留屯田得十二便，出兵失十二利，臣充国材下，犬马齿衰，不识长册，唯明诏傅详公卿议臣采择。

赵翁孙上屯田奏三

臣闻兵以计为本，故多算胜少算；先零羌精兵，今余不过七八千人；失地远客，分散饥冻，罕开莫须，又颇暴略其羸弱畜产；叛还者不绝；皆闻天子明令相捕斩之赏，臣愚以为虏破坏，可日月冀，远在来春；故曰兵决可期月而望。

窃见北边自敦煌至辽东，万一千五百余里；乘塞列隧，有吏卒数千人，虏数大众攻之而不能害；今留步士万人屯田，地势平易，多高山远望之便；部曲相保，为塹垒木橦，校联不绝；便兵弩，飭斗具，烽火幸通，势及并力，以逸待劳，兵之利者也，臣愚以为屯田，内有亡费之利，外有守御之备；骑兵虽罢，虏见万人留田，为必禽之具，其土崩归德，宜不久矣。从今尽三月，虏马羸瘦，必不敢捐其妻子于他种中，远涉河山而来为寇。又见屯田之士，精兵万人，终不



古文辞类纂

GU WEN CI LEI ZUAN

敢复将其累重还归故地。是臣之愚计，所以度虏且必瓦解其处，不战而自破之册也。

至于虏小寇盗，时杀人民，其原未可猝禁。臣闻战不必胜，不苟接刃；攻不必取，不苟劳众；诚令兵出，虽不能灭先零，但能令虏绝不为小寇，则出兵可也；即今同是，而释坐胜之道，从乘危之势，往终不见利，空内自罢敝；贬重而自损，非所以视蛮夷也。又大兵一出，还不可复留；湟中亦未可空。如是，徭役复发也。且匈奴不可不备，乌桓不可不忧，今久转运烦费，倾我不虞之用，以瞻一隅，臣愚以为不便。校尉临众，幸得承威德，奉厚币，拊循众羌，谕以明诏，宜皆乡风；虽其前辞尝曰：得亡效五年，宜亡他心，不足以故出兵。

臣窃自惟念奉诏出塞，引军远击，穷天子之精兵，散车甲于山野，虽亡尺寸之功，偷得避嫌之便，而亡后咎余责，此人臣不忠之利，非明主社稷之福也。臣幸得奋精兵，讨不义，久留天诛，罪当万死；陛下宽仁，未忍加诛，令臣数得孰计；愚臣伏计孰甚，不敢避斧钺之诛；昧死陈愚，唯陛下省察。



萧长倩驳人粟赎罪议

民函阴阳之气，有仁义欲利之心，在教化之所助。虽尧在上，不能去民欲利之心，而能令其欲利不胜其好义也；虽桀在上，不能去民好义之心，而能令其好义不胜其欲利也。故尧桀之分，在于义利而已。道民不可不慎也！

今欲令民量粟以赎罪，如此，则富者得生，贫者独死，是贫富异刑，而法不壹也。人情贫穷，父兄因执，闻出财得以生活，为人子弟者，将不顾死亡之患，败乱之行，以赴财利求救亲戚。一人得生，十人以丧；如此，伯夷之行坏，公绰之名灭，政教壹倾，虽有周召之佐，恐不能复。

古者藏于民，不足则取，有余则予。《诗》曰：“爱及矜人，哀此鰥寡”，上惠下也。又曰：“而我公田，遂及我私”，下急上也。今有西边之役，民失作业，虽户赋口敛，以贍其因乏，古之通义，百姓莫以为非；以死救生，恐未可也。陛下布德施教，教化既成，尧舜亡以加也；今议开利路，以伤既成之化，臣窃痛之。



贾君房罢珠崖对

臣幸得遭明盛之朝，蒙危言之策，无忌讳之患，敢昧死竭拳拳。

臣闻尧舜，圣之盛也。禹入圣域而不优，故孔子称尧曰“大哉”，《韶》曰“尽善”，禹曰“无间”。以三圣之德，地方不过数千里，西被流沙，东渐于海，朔南暨声教，迄于四海，欲与声教，则治之；不欲与者，不强治也。故君臣歌德，含气之物，各得其宜。武丁成王，殷周之大仁也；然地东不过江黄，西不过氏羌，南不过蛮荆，北不过朔方；是以颂声并作，视听之类，咸乐其生。越裳氏重九译而献，此非兵革之所能致；及其衰也，南征不还，齐桓球其难，孔子定其文。以至乎秦，兴兵远攻，贪外虚内，务欲广地，不虑其害；然地南不过闽越，北不过太原，而天下溃叛，祸卒在于二世之末。长城之歌，至今未绝！

赖圣汉初兴，为百姓请命，平定天下；至孝文皇帝，悯中国来安，偃武行文，则断狱数百，民赋四十，丁男三年而一事；时有献千里马者，诏曰：“鸾旗在前，属车在后，吉行日五十里，师行日三十里，朕乘千里之马，独先安之？”于是还马，与道里费；而下诏



曰：“朕不受献也，其令四方毋求来献！”当此之时，逸游之乐绝，奇丽之赂塞，郑卫之倡微矣。夫后宫盛色，则贤者隐处；佞人用事，则诤臣杜口；而文帝不行，故谥为“孝文”，庙称“太宗”。

至孝武皇帝无狩六年，太仓之粟，红腐而不可食；都内之钱，贯朽而不可校。乃探平城之事，录冒顿以来，数为边害，籍兵厉马，因富民以攘服之；西连诸国，至于安息，东过碣石；以玄菟乐浪为郡，北却匈奴万里。更起营塞，制南海以为八郡。则天下断狱万数，民赋数百，造盐铁酒榷之利，以佐用度，犹不能足。当此之时，寇贼并起，军旅数发；父战死于前，子斗伤于后；女子乘亭鄣，孤儿号于道，老母寡妇，饮泣巷哭，遥设虚祭，想魂乎万里之外。淮南王盗写虎符，阴聘名士；关东公孙勇等，诈为使者；是皆廓地泰大，征伐不休之故也。

今天下独有关东，关东大者，独有齐楚；民众久因，连年流离，离其城郭，相枕席于道路。人情莫亲父母，莫乐夫妇；至嫁妻卖子，法不能禁，义不能止，此社稷之忧也。今陛下不忍惻惻之忿，欲驱士众，挤之大海之中，快心幽冥之地；非所以救助饥，谨保全无无也！

《诗》云：“蠢尔蛮荆，大邦为仇”，言圣人起，则后服，中国衰，则先叛，动为国家难。自古而患之久矣，何况乃复其南方万里之蛮乎？骆越之人，父子同川而浴，相习以鼻饮，与禽兽无异，本不足郡县置也。



专专独居一海之中，雾露气湿，多毒草虫蛇水土之害，人未见虏；战士自死，又非独珠崖有珠犀玳瑁也；弃之不足惜，不击不损威；其民譬犹鱼鳖，何足贫也？

臣窃以往者羌军言之，暴师曾未一年，兵出不逾千里，费四余万万，大司农钱尽，乃以少府禁钱续之。夫一隅为不善，费尚如此，况于劳师远攻，亡士毋功乎？求之往古则不合，施之当今又不便。臣愚以为非冠带之国，《禹贡》所及，春秋所治，皆可且无以为，愿遂弃珠崖，专用恤关东为忧。



古文辞类纂十五



奏议类上编五

刘子政条灾异封事

古文辞类纂

臣前幸得以骨肉备九卿，奉法不谨，乃复蒙恩。窃见灾异并起，天地失常，征表为国，欲终不言；念忠臣虽在刑亩，犹不忘君，拳拳之义也；况重以骨肉之亲，又加以旧恩未报乎？欲竭愚诚，又恐越职；然惟二恩未报，忠臣之义，一抒愚意，退就农亩，死无所恨。

臣闻舜命九官，济济相让，和之至也；众贤和于朝，则万物和于野；故箫韶九成，而凤凰来仪；击石拊石，百兽率舞；四海之内，靡不和宁。及至周文，开墓西郊，杂逐众贤，罔不肃和；崇推让之风，以销分争之讼。文王既没，周公思慕，歌咏文帝之德；其诗曰：“于穆清庙，肃雍显相；济济多



士，秉文之德。”当此之时，武王周公继政，朝臣和于内，万国欢于外，故尽得其欢心，以事其先祖；其诗曰：“有来雍雍。至止肃肃；相维辟公，天子穆穆。”言四方皆以和来也。诸侯和于下，天应报于上；故《周颂》曰：“降福穰穰”，又曰：“貽我来牟。”来牟，麦也；始自天降，此皆以和，致和获天助也。

下至幽、厉之际，朝廷不和，转相非怨，诗人疾而忧之曰：“民之无良，相怨一方。”众小在位，而从邪议，讷讷相是，而背君子，故其诗曰：“讷讷訾訾，亦孔子之哀；谋之其臧，则具是违。谋之不臧，则具是依”。君子独处守正，不挠众枉，勉强以从王事，则反见憎毒谗诉，故其诗曰：“密勿从事，不敢告劳，无罪无辜，谗口嗷嗷。”当是之时，日月薄蚀而无光其诗曰：朔日辛卯，日有食之；亦孔子丑。”又曰：“彼月而微，此日而微，今此下民，亦孔之哀。”又曰：“日月鞠凶，不用其行；四国无政，不用其良。”天变见于上，地变动于下，水泉沸腾，山谷易处，其诗曰：“百川沸腾，山冢卒崩，高岸为谷，深谷为陵；哀今之人，胡惨莫惩？”霜降失节，不以其时！其诗曰：“正月繁霜，我心忧伤；民之讹言，亦孔之将。”言民以是为非，甚众大也，此皆不和，贤不肖易位之所致也。

自此之后，天下大乱，篡杀殃祸并作。厉王奔毙，幽王见杀；至乎平王末年，鲁隐之始即位也，



周大夫祭伯，乖离不和，出奔于鲁，而《春秋》为讳，不言来奔，伤其祸殃自此始也。是后尹氏世卿而专恣，诸侯背叛而不朝，周室卑微；二百四十二年之间，日食三十六；地震五，山陵崩阤二，彗星三见，夜常星不见，夜中星陨如而一，火灾十四，长狄入三国，五石损坠，六鹢退飞，多麋，有蜮蜚，鹄鸽来巢者，皆一见，昼冥晦，而木冰，李梅冬实，七月霜降，草木不死，八月杀菽，大而雹，而雪雷霆，失序相乘，水、旱、饥、蠲、螽、螟，峰午并起。当是时，祸乱辄应，弑君三十六，亡国五十二，诸侯奔走，不得保其社稷者，不可胜数也；周室多祸，晋败其师于贸戎，伐其郊；郑伤桓王，戎执其使；卫侯朔召不往，齐逆命而助朔；五大夫争权，三君更立，莫能正理，遂至陵夷，不能复兴。

由此观之，和气致祥，乖气致异，祥多者其国安，异众者其国危，天地之常经，古今之通义也。今陛下开三代之业，招文学之士，优游宽容，使得并进；今贤不肖浑淆，白黑不分，邪正杂糅，忠谗并进，章交公车，人满北军，朝臣舛午，胶戾乖刺；更相谗诉转相是非；传授增加，文书纷纠，前后错缪，毁誉混乱，所以营惑耳目，惑移心意，不可胜载。分曹为党，往往群朋，将同心以陷正臣；正臣进者，治之表也，正臣陷者，乱之机也；乘治乱之机，未知孰任？而灾异数见，此臣所以寒心者也！夫乘权藉势之人，子弟鳞集于朝，羽翼阴附者众，